

आकाशवाणी

खबरां -----

1. 26/11 मुम्बई हमले दे आरोपी तहव्वुर राणा गी वापस दिल्ली आहनेआ जा करदा ऐ।
2. राष्ट्रपति द्रौपदी मुर्मू होरें स्लोवाकिया गी राजकीय यात्रा दे दुए दिन रामायण दा कठपुतली शो दिक्खेआ।
3. दिल्ली सरकार नै अज्ज लाभार्थियें च आयुष्मान कार्ड बंडे।
4. केंद्री शिड़क परिवहन ते राजमार्ग मंत्री नितिन गडकरी होरें अज्ज मध्य प्रदेश च बदनावर-उज्जैन राष्ट्रीय राजमार्ग दा उद्घाटन कीता।
5. I.P.L टी-20 क्रिकेट च रायॅल चैलेंजर्स बेंगलुरु अज्ज संझा बेंगलुरु दे एम. चिन्नास्वामी स्टेडियम च दिल्ली कैपिटल्स कन्नै मैच खेड्ढोग।

<><><><><><>

Rana-India

26/11 मुम्बई आतंकी हमले दे आरोपी तहव्वुर राणा गी अज्ज दिल्ली आहनेआ जा करदा ऐ। केंद्री मंत्री पीयूष गोयल होरें इक सोशल मीडिया पोस्ट च आखेआ जे प्रधानमंत्री नरेंद्र मोदी हुंदे पक्के धेड़यै करी मुम्बई हमले दे आरोपी गी भारत आहनेआ जा करदा ऐ ते उसी सख्त सजा दिती जाग। मुम्बई च मीडिया कन्नै गल्लबात करदे होई उनें आरोप लाया जे कांग्रेस सरकार नै आतंकवादिएं गी सजा देने आस्तै किश नेई

कीता। राश्ट्रीय जांच एजेंसी दे मुख्यालय पटियाला कोर्ट ते राश्ट्रीय राजधानी दे किश होर थाहरें पर सुरक्षा गी होर सख्त कीता गेआ ऐ। राणा दे प्रत्यर्पण थमां बचने दी अखीरी कोशिश च नाकाम होने मगरा उसी भारत आहनेआ जा करदा ऐ कीजे अमरीकी सुप्रीम कोर्ट नै ओहदी अर्जी गी खारिज करी दिता हा। कल अमित शाह होरें आखेआ हा जे तहव्वुर राणा गी भारत आहनेना मोदी सरकार दी कूटनीति दी बड्डी सफलता ऐ। उनें जोड़ेआ जे एह भारत सरकार दी जिम्मेदारी ऐ जे उनें सब्बनें लोकें गी भारत आहनेआ जा जिनें भारत दी जनता कन्नै बुरा व्यवहार कीता ऐ। इक प्राइवेट टी.वी चैनल कन्नै गल्लबात करदे होई श्री शाह होरें आखेआ जे देश आस्तै बड्डी कामयाबी ऐ जे तहव्वुर राणा दे खलाफ भारती कोर्ट च मुकद्दमा चलाया जाग। गृह राज्यमंत्री नित्यानंद राय होरें आखेआ जे प्रधानमंत्री नरेंद्र मोदी हुंदी सरकार बनने मगरा देश विरोधी तत्वे पर सख्त निगरानी रक्खी जा करदी ऐ। पत्रकारें कन्नै गल्लबात करदे होई उनें आखेआ जे देश चा आतंकवाद गी तकरीबन मकाई दिता गेदा ऐ।

<><><><><><>

BJP-Rana

बीजेपी नै आखेआ ऐ जे तहव्वुर राणा दा प्रत्यर्पण ना छड़ा 138 भारतीय पीड़ितें आस्तै, सगुआं होरनें देशें दे पीड़ितें आस्तै न्याऽ गी सुनिश्चित करने ते उनेंगी न्याऽ दे नेड़े आहनने बक्खी चुक्की गेदी गेंऽ ऐ। अज्ज नमीं दिल्ली च मीडिया गी संबोधित करदे होई पार्टी प्रवक्ता शहजाद नूपेवाला होरें आखेआ जे देश दी सुरक्षा एजेंसिएं गी बड्डी सफलता मिली ऐ। उनें आखेआ जे 26-11 आतंकी हमले दे साजिशकर्ता गी अस भारत

आहनेआ जा करदा ऐ। श्री पूनेवाला होरें जोड़ेआ जे नरेंद्र मोदी सरकार नै आतंकवाद दे खलाफ भलेआं बर्दाश्त नेई करने आहली नीति अपनाई दी ऐ।

<><><><><><><>

Prez. Slovikia

स्लोवाकिया दी राजकीय जातरा दे दुए ध्याड़े राष्ट्रपति द्रौपदी मुर्मू होरें रामायण कठपुतली शो दिक्खेआ। रामायण कठपुतली शो दा उद्देश्य भारती संस्कृति गी स्लोवाकिया दे लोकें दे कोल आहनना ऐ ते कन्नै रामायण दे इंहगे मुल्लें गी उजागर करना ऐ। कठपुतली शो दा आयोजन लेनका मुकोवा नै कीता हा जेड़ी भारत दे प्रशंसक ऐ ते पिछले 30एं बरें थमां कठपुतली दे राहें बच्चें गी पढ़ा करदी ऐ। राष्ट्रपति होरें इक पेंटिंग प्रदर्शनी दा बी दौरा कीता।

<><><><><><><>

Shah-Terrorism

गृह मंत्री अमित शाह होरें आखेआ ऐ जे उन्दे हालिया जम्मू-कश्मीर दौरै दौरान मुखमंत्री उमर अब्दुल्ला हुंदे कन्नै उंदी मलाटी बडे गै साजगार माहौल च होई जिस दौरान मुख तौरा पर गल्लबात विकास ते सुशासन दे बारे च कीती गई। उनें आखेआ जे असें सदा गै सब्बनें क्षेत्रीय हकूमतें गी विजन कुसै फरकोफकी दे इक बरोबर दी अहमियत दिती ऐ। इक प्राइवेट टी.वी चैनल कन्नै गल्लबात दौरान गृह मंत्री होरें आखेआ जे केंद्र सरकार जम्मू-कश्मीर च नमी चनोई दी सरकार कन्नै मिलियै चलने लेई बचनबद्ध ऐ। उनें आखेआ कि राष्ट्र दी सुरक्षा सरकार लेई सब्बनें शा उप्पर ऐ ते

पैहली तरजीह ऐ जेड़ा कोई बी जम्मू-कश्मीर च आतंकवाद फैलाने च मुलव्वज ऐ, भाएं ओह् कोई आतंकी संगठन होऐ जां आतंकवादिएं दा हिमायती, उसी बखशेया नेई जाग।

<><><><><><>

Ayushman Bharat

आयुष्मान भारत प्रधानमंत्री जन आरोग्य योजना अज्ज थमां दिल्ली च बी शुरू होई गई ऐ। इस योजना दे तैहत हर इक परिवार गी हर बरे 5 लक्ख रपे दा मुफ्त स्वास्थ्य कवरेज मिलोग। दिल्ली सरकार नै एह् बी घोषणा कीती जे ओह् इस योजना दे तैहत 5 लक्ख रपे दा बाद्दू टाप-अप बी देग। इस मौके पर केंद्री मंत्री जगत प्रकाश नड्डा ते दिल्ली दी मुखमंत्री रेखा गुप्ता होर मौजूद हियां। कार्जक्रम दे दौरान लाभार्थिएं गी आयुष्मान कार्ड बी बंडे गे। पिछले हफते राश्ट्रीय स्वास्थ्य प्राधिकरण नै दिल्ली सरकार कन्नै योजना गी लागू करने सरबन्धी समझौता कीता हा।

<><><><><><>

Centre-Poshan

केंद्र नै प्रधानमंत्री पोषण शक्ति निर्माण स्कीम तैहत इस्तेमाल होने आहली सामग्री दे खर्चे च 9 इशारिया 50 फीसद दा बाद्दा दर्ज कीता ऐ। एह् स्कीम इक्क केंद्र प्रायोजित स्कीम ऐ, जेदे तैहत सब्बनें सरकारी ते सरकार दी माली मदाद कन्नै चलने आहले स्कूलें दी बाल बाटिका ते पैहली शा 8 जमात च पढ़ने आहले 11 करोड़ शा बद्द विद्यार्थियें गी ताजा पक्की दी रूट्टी खलाई जंदी ऐ। केंद्री शिक्षा मंत्रालय नै गलाया ऐ जे अगले म्हीने दी 1 तरीक थमां सब्बनें राज्यें ते केंद्र शासित प्रदेशें च एह् नमें रेट लागू करी दिते जांगन। इस बाद्दे करी केंद्र सरकार उप्पर 954 करोड़ रपे दा बाद्दा खर्च आई

गेआ ऐ। एहदे अलावा केंद्र सरकार भारतीय खाद्य निगम दे जरिये 26 लक्ख मीट्रिक टन अनाज बी मुहैया कराग।

<><><><><><><><>

India-Export

अंतरराष्ट्रीय बजारें च बनी दी यक्कोतक्की आहली स्थिति दे बावजूद बी भारत दा माल-समेयान ते सेवा निर्यात 2024-25 अमरीकी डालर कोला पार रेआ। केंद्री बपार मंत्रालय मूजब औदे कोला पिछले माली बरे जातरी 2023-24 च एह आंकड़ा 778 अरब अमरीकी डालर हा ते एहदे च कोई सिद्धी 6 प्रतिशत दी बढ़ोतरी दर्ज कीती गई ऐ। एह आंकड़े अज्ज नमीं दिल्ली निर्यात गी बढ़ावा देने सरबंधी परिषद ते उद्योगिक संगठनें गी केंद्री बपार ते उद्योग मंत्री पीयूष गोयल होंरे दित्ते। कार्यक्रम दा आयोजन उभरदी बपार परिस्थितिएं दी पछोक्कड़ै च चर्चा करने लेई कीता गेदा ऐ।

<><><><><><><><>

SC-Waqf

सुप्रीम कोर्ट दे प्रधान न्यायधीश संजीव खन्ना हुंदी अध्यक्षता च सुप्रीम कोर्ट दे त्रै जजेन दी पीठ वक्फ संशोधन कनून 2025 दी संवैधानिक वैद्यता गी चुनौती देने आहलिये याचिकाएं पर 16 अप्रैल गी सुनवाई करोग। इस बारे जारी जानकारी मूजब जस्टिस संजय कुमार ते जस्टिस के.वी विश्वनाथन होंरे बी इस पीठ च शामिल होंगन। तोआई, केंद्र सरकार नै अतरूं मंगलवारें सुप्रीम कोर्ट च इक कैविएट दायर करियै मामले पर कोई बी हुक्म जारी करने कोला पैहले सुनवाई करने दी गुजारश कीती ऐ। कैविएट कुसै धड़े आसेआ हाई कोर्ट या सुप्रीम कोर्ट च एह पक्का करने लेई कीती जंदी ऐ जे सुनवाई दे

खिल्लने दे ध्यार थमां प्रेरित होई लद्दाख च भारत दे सब्बनें थमां मती मंग आहले जातरा थाहरें पर इको पर्यटन गी बढ़ावा देने आस्तै दो साल पहले खुबानी फुल्ल खिल्लने सरबन्धी ध्यार गी शुरू कीता हा। पिछले सीजन च किश ग्राएं च एहदे सफल आयोजन मगरा इस बरै किश नमें ग्राएं गी जोड़ेआ गेआ ऐ।

<><><><><><>

Hockey

भारतीय महिला हॉकी टीम 26 अप्रैल शा 4 मई तगर 5 मैचें दी श्रृंखला लेई आस्ट्रेलिया दे दौरे उप्पर जाग। एह दौरा 26 ते 27 अप्रैल गी आस्ट्रेलिया (ए) दे खिलाफ मैचें कन्ने शुरू होग। एहदे मगरा 1, 3 ते 4 मई गी सीनियर आस्ट्रेलियाई टीम दे कन्ने 3 मुकाबले होंगन। सब्बे मैच पर्थ हॉकी स्टेडियम च खेड्ढे जांगन। भारत मौजूदा समें च एफ.आई.एच विश्व रैंकिंग च नौमी थाहर उप्पर ऐ ते आस्ट्रेलिया-पंजमें नम्बर पर ऐ।

<><><><><><>

IPL

आई.पी.एल क्रिकेट च अज्ज बेंगलुरु च रायल चैलेंजर्स बेंगलुरु दा मुकाबला दिल्ली कैपिटल्स कन्ने होग। बेंगलुरु दे एम. चिन्नास्वामी स्टेडियम च एह मैच शामी साइडे 7 बजे शुरू होग। दिल्ली कैपिटल्स नै अजे तोहड़ी इस सीजन च इक बी मैच नेई हारे दा ते 6 लक लेइयै ओह अंक तालिका च त्रीए नम्बरें पर ऐ। तोआई, बेंगलुरु च'ऊं चा त्रै मैच जित्तियै चौथे नम्बरें पर ऐ।

<><><><><><>